



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1644. usque ad annum 1651

**Fleury, Claude**

**August. Vind. [u.a.], 1779**

**VD18 90119177**

§. 52. Trevirensis civitas a Gallis oppugnata.

---

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

tio Barcinonensium, quorum quidam Sæc. XVII. A. C. 1645.  
 hanc metropolin pristino suo Regi re-  
 stituere, incassum tamen, moliebantur. Auspiciator erat Hispanis fortuna  
 contra Lusitanos, quos expugnata  
 Olivenza arce magna clade deleverunt;  
 vicissim vero Hulstum in Belgio Hol-  
 landi Hispanis, & Galli Mottam in Lo-  
 tharingia Carolo Duci eripuerant.

## §. LII.

*Trevirensis civitas a Gallis op-  
pugnata.*

Postquam Philippus Christophorus Tre-  
 virensis Archiepiscopus & Elector Bougeant Hist. tric. 1  
 a Cæsare libertati redditus, die prima bell. tom. 2.  
 Septembris Confluentiam advenerat, l. 3. §. 92.  
 ibidem ad medium usque Novembrem Massen. An-  
nal. Trev.  
 subsistens, datis ad Turrenium Gallici l. 25. §. 81.  
 exercitus Ductorem literis, eundem  
 sollicitabat, ut adducto Gallorum, Haf-  
 forumque agmine Trevirensis urbem  
 vi armata occuparet, Hispanosque in-  
 de propelleret: Sub idem quoque tem-  
 pus Hugonem ab Eltz, & Joannem  
 Anethanum Cancellarium Legatos Mo-  
 nasterium decrevit, ut Franciæ Lega-  
 tos de continuata Electoris cum Gal-  
 lis amicitia & fœdere certiores redde-  
 rent. Comperto enim, quem Elector  
 cum Cæsare erexerat, tractatu, ipsius

Sæc. XVII. fides Gallis suspecta erat: quocirca Antonvillam ad eundem ablegabant, qui A. C. 1645 Electoris mentem exploraret, peteretque, ut Gallicis copiis hibernandi facultatem in suis Provinciis concederet. Deprecabatur quidem Elector hibernorum facultatem, prætexta suarum ditionum devastatione: palam vero adversus pactum cum Cæsare initum, utpote hostium suorum violentia extortum reclamabat, declarans, se nihil ardentius percupere, nisi ut Gallorum copix in vicinia ad omnes necessitatis casus paratæ castra ponerent, simulque Lotharingicos milites ab infestis excursionibus arcerent. Explorato Electoris animo mox Turrenius cum valido agmine Trevirensis urbem cinxit. Inexpectata erat civibus hæc violentia; quocirca Oratores suos ad Turrenium ablegant, qui triduanas deposcerent inducias, vimque deprecarentur, eo potissimum nomine, quod jam Monasterii cum Franciæ Legato, & Pennaranda Hispano Oratore conventum esset, ut Comes de Laverna Urbis Gubernator cum Hispano milite Trevis ultro excederet, dummodo Urbs nullo Gallorum præsidio firmaretur, & ipsemet Elector suo duntaxat instructus milite, quem sibi sacramento obstrinxisset, Urbis portis accederet. Nihilominus

minus tamen Turrenius hostili sub ve-  
 speram aggressione in urbem ad S. Mar-  
 tinum omni vi irrumpere conabatur:  
 Exin vero Hispanus Gubernator cives  
 cum Gallis colludere suspicatus, Magi-  
 stratum ad fidem Hispano Regi servan-  
 dam rursus juramento adigere statuit,  
 eo autem renuente Urbis prætorium  
 valido agmine cingi jussit: Nulla mora  
 fit populi concursatio, armatique præ-  
 torium infestant, depulsisque Hispanis  
 Magistratum libertati reddentes, rur-  
 sus ad Turrenium quosdam ablegant,  
 qui sponderent, se biduo nondum ex-  
 acto, Hispanum militem urbe ejectu-  
 ros, dummodo Gallicus obsidionis fu-  
 ror cessaret. Verum Turrenius horum  
 preces nil moratus, mænia tormentis  
 quater haud destitit, vastaturus uni-  
 versa, nisi egregia civium militumque  
 virtute repulsus fuisset. Tandem vero  
 Hispanus Gubernator obsidionis impe-  
 tum sustinendo impar ex mandato Mar-  
 chionis de Castrorodrico Belgii Præ-  
 fectione cum Magistratu de deditioe age-  
 re cæpit, convenitque, ut uterque Hi-  
 spanus, Gallicusque miles urbe & Pa-  
 tria excederet, atque Elector suo dun-  
 taxat milite præfidiario uteretur: Co-  
 gnito hoc pacto Elector a Gallis, ut ab  
 obsidione abstinerent, a civibus vero  
 obtinuit, ut bis mille recens conductos

Sæc. XVII.  
 A. C. 1645.

Sæc. XVII. A C. 1645 intra mœnia reciperent: Ea lege Elector die decima octava Novembris urbi accessit, cui ad Pontis portam obvius Gubernator claves Hispani Regis nomine obtulit, quas tamen ille eidem restituit, postmodum tamen rursus ab eodem recepit, moxque urbe egressus, ut se solis Gallis sui reditus beneficium in acceptis referre, palam ostenderet, ad Turrenii castra divertit, atque ab eodem comitantibus Franciæ Proceribus suum in Palatium postliminio reductus est: Altera die Gubernator cum Hispanis per civitatem, pontemque in adversam Lucemburgici Ducatus oram transit, Galli vero per urbem in hospitia sunt distributi, alii proximis insederunt Monasteriis, Religiosis plerisque sibi fuga consulentibus: Interea Elector ad coercendos cives, Gallicumque præsidium in urbe firmandum propugnacula erigere meditabatur: ne tamen pactis Cæsareis, Hispanisque aperte refragari videretur, Germanum militem, Galliarum tamen Regi iuramento obstrictum, in urbe detinuit, Gallico exercitu sub finem Decembris patria excedere permisso.